



**ҚАЗАҚСТАН РЕСПУБЛИКАСЫНЫҢ
ҰЛТТЫҚ БАНКІ
2014 жылғы 4 шілдедегі
№50 Б А С П А С Ө З Р Е Л И З І**

2014 жылғы 4 шілде

Астана қ.

Қазақстан Республикасының Ұлттық Банкі (ҚРҰБ) және Қазақстан Республикасының Ұлттық кәсіпкерлер палатасы (ҰКП) бүгін Өзара түсіністік пен ынтымақтастық туралы меморандумға қол қойды, оның шеңберінде олар кәсіпкерлік қоғамдастық және ҚР Ұлттық Банкі арасындағы сындарлы сұхбатты дамытуға ниеттеніп отыр.

Бұдан басқа, ҚР экономикасының және қаржы секторының бәсекеге қабілеттілігін арттыру, оның ішінде интеграциялық бірлестіктер (Еуразиялық Экономикалық Одақ және ТМД) шеңберінде және халықаралық нарықта арттыру ҚРҰБ мен ҰКП ынтымақтастығының мақсаты болып табылады.

Осы іс-шара тараптардың бірлесіп жоспарлаған, отандық бизнес үшін қорландыруға қолжетімділікті жақсартуға бағытталған іс-қимылдармен қатар бірінші қадам болды. Тараптар Ұлттық Банк саланы дамытудың жалпы талаптарына ықпал ететін шешімдер қабылдаған кезде қаржылық қоғамдастықтың пікірін есепке алу үшін барынша күш-жігер жұмсауға уағдаласты.

Бірлескен іс-қимылдардың басымдықтары ретінде қазақстандық қаржы секторының тұрақтылығын қолдау, оның ішінде банк секторын жедел сауықтыру, экономикалық өсу сапасын арттыруға ықпал ету, қаржылық қызметтердің сапасын және қолжетімділігін арттыру, әсіресе аймақтарда, халықтың және шағын бизнестің қаржылық сауаттылық деңгейін арттыру, сондай-ақ қор нарығын дамыту айқындалды.

ҚРҰБ және ҰКП пікірлер мен сараптамалық қорытындылар алмасуды, бұқаралық ақпарат құралдарында бірлескен жұмысты бағалауды, жүргізілетін жұмыстың айқын болу саясатын жүргізуді реттейтін жан-жақты Келісім әзірлеуге ниетті.

Ұлттық кәсіпкерлер палатасы ҚРҰБ қолдауымен халықтың қаржылық сауаттылығын арттырудың республикалық бағдарламасын іске қосуға және шағын қалаларда және ауылдық жерлерде қаржылық қызметтің қолжетімділік деңгейі туралы зерттеулер жүргізуге уағдаласты.

Ұлттық Банк Төрағасы Қайрат Келімбетов қол қойылған Меморандумның маңыздылығын аатап өтті және Ұлттық Банк пен Кәсіпкерлер палатасының Мемлекет басшысының тапсырмаларын, оның ішінде кәсіпкерлер үшін қаржыландырудың қолжетімділігін ұлғайту, қаржылық қызметтерді реттейтін заңнаманы жетілдіру жөніндегі тапсырмаларын тиімді іске асыруға жәрдемдесуге; шағын және орта бизнестің қаржылық сауаттылығын арттыруға көмектесуге және т.б. ниетті екендіктерін баса айтты.

ҚР Ұлттық кәсіпкерлер палатасы Президиумының Төрағасы Тимур Құлыбаевтың айтуынша, бұл меморандумға қол қою заңды қадам болып табылады, ҰКП мен Ұлттық Банк Ұлттық палатаның алғашқы құрылған күндерінен бастап-ақ тығыз ынтымақтастықта. ҰКП өкілдері Қаржылық тұрақтылық және қаржы нарығын дамыту жөніндегі кеңестің,

ҚР Ұлттық қорынан бөлінетін қаражаттың жұмсалуды бақылау мәселелері жөніндегі комиссияның және жұмыс тобының құрамына кірген.

Меморандумның ережелеріне сәйкес ҰКП мен ҚРҰБ ҚР Үкіметі мен мемлекеттік органдарының қарауына енгізу үшін қаржы секторын одан әрі дамыту жөнінде бірлесіп ұсыныстар әзірлеуге, қаржы саласындағы, оның ішінде интеграциялық процестер шеңберіндегі қатынастарға қатысты ҚР заңнамасын жетілдіру мәселелері бойынша ынтымақтасуға, сондай-ақ бірлескен қызметте ашық ынтымақтастық және қағидаттарын негізге алуға ниетті.

*Барынша толығырақ ақпаратты мынадай телефондар бойынша алуға болады:
+7 (727) 2 704 639, E-mail: press@nationalbank.kz (www.nationalbank.kz)*